

64

3. nóv. 1. Ef þingið gerir nýja samþykkt um breytingar á þessari samþykkt allri eða hluta hennar, skal:
- fullgilding aðildarríkis á hinni nýju, endurskoðuðu samþykkt ipso jure skoðast sem tafarlaus uppsögn á þessari samþykkt, hvað sem ákvæðum 11. greinar hér að framan líður, ef hin nýja, endurskoðaða samþykkt öðlast gildi, og þá frá þeim tíma, er það gerðist;
 - aðildarríkjum ekki heimilt að fullgilda þessa samþykkt frá því er hin nýja, endurskoðaða samþykkt öðlaðist gildi; enda sé ekki öðruvísi ákveðið í hinni nýju samþykkt.
2. Samþykkt þessi skal, hvað sem öðru líður, vera í gildi eins og hún er nú að formi til og efni, hvað snertir þau aðildarríki, sem hafa fullgilt hana en ekki hina endurskoðuðu útgáfu hennar.

16. gr.

Hinn enski og franski texti þessarar samþykktar skulu jafngildir.

Þetta er staðfestur texti ályktunar þeirrar, sem löglega var gerð á 32. þingi Alþjóðavinnuálastofnunarinnar, sem haldið var í Genf og slitið 2. júlí 1949.

Þessu til staðfestu höfum vér undirritað hann í dag, 18. ágúst 1949.

Forseti þingsins

Guildhaume Myrddin-Evans.

Aðalframkvæmdastjóri Alþjóðavinnuálastofunnar

David A. Morse.

65

6. nóv.

SAMÞYKKT

fyrir Iðnaðarbanka Íslands h.f.

I. KAFLI**Almenn ákvæði.**

1. gr.

Nafn félagsins er „Iðnaðarbanki Íslands h.f.“, í samþykktum þessum kallað Iðnaðarbankinn.

2. gr.

Heimili Iðnaðarbankans, aðalskrifstofa og varnarþing er í Reykjavík. Auk aðal-skrifstofunnar má setja á stofn afgreiðslustofur í Reykjavík eftir þörfum, og útibú má stofna utan Reykjavíkur eftir því, sem þörf þykir og ástæður leyfa.

3. gr.

Hlutverk Iðnaðarbankans er að reka bankastarfsemi, er sérstaklega miði að því að styðja verksmiðjuíðnað og handiðnað í landinu.

II. KAFLI**Um hlutafé Iðnaðarbankans.**

4. gr.

Hlutafé Iðnaðarbankans er sex milljónir króna, en heimilt er að auka það um 500 þúsundir króna með opinberu útboði innanlands þegar bankaráð ákveður að

fengnu samþykki ráðherra. — Innborgað hlutafé er 1.5 millj. króna. Hlutaféð er allt jafn réthátt.

65
6. nóv.

5. gr.

Hlutabréf hljóða á nafn. — Hlutabréfin eru að nafnverði kr. 500.00, kr. 1000.00, kr. 5000.00 og kr. 10000.00. — Hlutabréfin skiptast í fjóra flokka (A, B, C, D), eftir uppruna þeirra, og bréf í hverjum flokki hafa framhaldandi tölumerki. — Í flokki A eru hlutabréf, sem Landssamband iðnaðarmanna safnar og leggur fram loforð fyrir, að nafnverði samtals 1½ millj. króna. Í flokki B eru hlutabréf, sem Félag íslenzkra iðnrekenda safnar og leggur fram loforð fyrir, að nafnverði samtals 1½ millj. króna. — Í flokki C eru hlutabréf, sem ríkissjóður kaupir, samtals að nafnverði 3 millj. króna. — Í flokki D skulu vera hlutabréf greidd með hlutafé, sem safnað verður með opinberu útboði. — Arðmiðar skulu fylgja hverju hlutabréfi.

6. gr.

Halda skal skrá yfir hlutabréf og skal þar greina:

1. Útgáfudag hlutabréfs.
2. Nafnverð þess, flokk og tölu.
3. Eiganda bréfsins og eigandaskipti.
4. Ef hlutabréf hefur verið ónýtt með dómi eða öðrum hætti.

7. gr.

Nú vill eigandi hlutabréfs í A-flokki selja hlutabréf sitt. Skal hann þá tilkynna það stjórn Landssambands iðnaðarmanna og láta getið verðs, söluskilmála og kaupanda. Hefur sambandsstjórnin forkaupsrétt að bréfinu fyrir hönd sambandsins eða einstakra félagsmanna þess fyrir sama verð og með sömu skilmálum og aðrir bjóða hæst. Vilji sambandsstjórnin eigi neyta forkaupsréttar síns innan tveggja vikna þá öðlast stjórn Félags íslenzkra iðnrekenda forkaupsrétt að bréfinu fyrir hönd félagsins eða einstakra aðila innan þess, með sömu skilmálum. Hafi félagsstjórnin eigi neytt forkaupsréttar síns innan tveggja vikna má hluthafi bjóða bréfið hverjum sem vill, enda sé verð og söluskilmálar eigi hagkvæmari kaupanda en stjórnnum félagasamtakanna var gefinn kostur á. — Á sama hátt skal eigandi hlutabréfs í B-flokki, er selja vill hlutabréf sitt, fyrst tilkynna það stjórn Félags íslenzkra iðnrekenda og láta getið verðs, söluskilmála og kaupanda. Hefur þá stjórnin forkaupsrétt að bréfinu fyrir hönd félagsins eða einstakra aðila innan þess fyrir sama verð og með sömu skilmálum og aðrir bjóða hæst. Vilji félagsstjórnin eigi neyta forkaupsréttar síns innan tveggja vikna, þá öðlast stjórn Landssambands iðnaðarmanna forkaupsrétt að bréfinu fyrir hönd sambandsins eða einstakra félagsmanna þess með sömu skilmálum. Hafi sambandsstjórnin eigi neytt forkaupsréttar síns innan tveggja vikna, má hluthafi bjóða bréfið hverjum sem vill, enda sé verð og söluskilmálar eigi hagkvæmari kaupanda en stjórnnum félagasamtakanna var gefinn kostur á. — Vilji eigandi hlutabréfs í D-flokki selja hlutabréf sitt, skal hann tilkynna það stjórnnum Félags íslenzkra iðnrekenda og Landssambands iðnaðarmanna og láta getið verðs, söluskilmála og kaupanda. Eiga þá stjórnir þessara samtaka sameiginlegan forkaupsrétt að bréfinu fyrir hönd samtakanna eða einstakra aðila innan þeirra með sömu skilmálum og aðrir bjóða hæst. Vilji stjórnir þessara samtaka eigi neyta forkaupsréttar síns innan fjögurra vikna, má hluthafi bjóða bréfið hverjum sem vill, enda sé verð og söluskilmálar eigi hagkvæmari kaupanda, en stjórnnum félagasamtakanna var gefinn kostur á. — Hafi eigendur forkaupsréttar ekki neytt réttar síns, og sá er vill selja hlutabréf fær síðan kaupanda á frjálsum markaði, skal hann þó tilkynna eigendum forkaupsréttar, hver sá kaupandi sé, og eiga þeir þá enn forkaupsrétt að bréfinu, enda neyti þeir hans án ástæðulausrar tafar.

65

6. n.óv.

8. gr.
Eigandaskipti hlutabréfa skulu tilkynnt bankaráðinu og eru þau ella ógild gagnvart félaginu. Bankaráð staðfestir framsöl hluta með áritun sinni á hlutabréfin. — Nú verða eigendaskipti fyrir arftöku og skal þá tilkynna nafn hins nýja eiganda til bankaráðsins, er lætur þess getið á hluthafaskránni. — Veðsetning hlutabréfa er óheimil, nema samþykki bankaráðs komi til.

9. gr.

Iðnaðarbankinn má ekki veita lán gegn tryggingu í hlutabréfum sjálfs sín, og ekki má hann eiga þau, nema ráðherra leyfi, og aldrei meira en 5% alls hlutafjárins.

10. gr.

Nú glatast hlutabréf, stofn eða arðmiði, sem því fylgir, og gefur bankaráð þá út nýtt hlutabréf, stofn eða arðmiða, til handhafa, er hann hefur fengið ógildingardóm á hinu glataða skjali. — Bankaráði skal heimilt að gefa út til aðilja nýtt hlutabréf eða arðmiða, þótt ógildingardóms sé ekki aflað, ef bankaráðið telur nægilega sannan að, að bréfið eða arðmiðinn hafi glatazt, enda nemi nafnverð bréfsins eða upphæð arðmiðans ekki yfir kr. 500.00. — Ef hlutabréf, stofn eða arðmiði skemmist, en þó verður ekki villzt um flokk skjalsins, tölu þess eða efni, getur bankaráðið gefið út til aðilja á hans kostnað nýtt skjal í staðinn, enda skili hann hinu skemmda skjali.

11. gr.

Enginn hluthafi ábyrgist skuldbindingar Iðnaðarbankans fram yfir nafnverð hlutabréfa sinna. Þessu ákvæði verður ekki breytt né það fellt niður með neinum ályktunum hluthafafundar. Ákvæði þetta snertir ekki þá sérstöku ábyrgð er ríkissjóður hefur tekið eða kann að taka á skuldbindingum Iðnaðarbankans samkvæmt lögum.

III. KAFLI

Um starfsemi Iðnaðarbankans.

12. gr.

Iðnaðarbankinn rekur alla venjulega bankastarfsemi, svo sem:

1. Kaup og sölu vixla, tékka, annarra ávísana og hvers konar verðbréfa.
2. Lánveitingar gegn ábyrgð ríkis-, bæjar-, sveitar- og sýslufélaga, gegn sjálfskuldarábyrgð, handveði, veði í fasteignum, vélum eða vörubirgðum og hverju öðru veði, sem veita má að lögum.
3. Innheimtur.
4. Ávöxtun fjár á hlaupareikningi og með sparisjóðskjörum.
5. Geymsla verðmætra muna fyrir endurgjald.

13. gr.

Iðnaðarbankinn hefur sparisjóðsréttindi. En eiga skal hann að minnsta kosti sem svarar 10% af innlánsfé með sparisjóðskjörum í tryggu og auðseldum verðbréfum, svo sem ríkisskuldabréfum, verðbréfum Landsbanka Íslands, Búnaðarbanka Íslands og öðrum jafntryggum verðbréfum. Verðbréfaeign þessa skal hækka upp í allt að 20%, ef ráðherra, að fengnum tillögum bankaráðs, telur þess þörf.

14. gr.

Samkvæmt heimild í 11. gr. laga nr. 113 frá 1951 og með samningi milli Iðnaðarbankans og iðnaðarmálaráðherra er Iðnlánasjóður sérstök deild í Iðnaðarbankanum með aðskildum fjárhag og sérstöku bókhaldi. Skal bankinn hafa á hendi stjórn

sjóðsins og starfrækslu, en ber ekki ábyrgð á töpum, er hann kann að verða fyrir. — 65
 Iðnlánasjóður tekur þátt í sameiginlegum reksturskostnaði með Iðnaðarbankanum, 6. nív.
 eftir samkomulagi milli bankastjórnar og iðnaðarmálaráðherra.

IV. KAFLI

Stjórn Iðnaðarbankans.

15. gr.

Með stjórn Iðnaðarbankans fara:

- A. Hluthafafundur.
- B. Bankaráð.
- C. Bankastjóri (framkvæmdastjóri).

A. Um hluthafafundi.

16. gr.

Hluthafafundir fara með málefni Iðnaðarbankans, samkvæmt þeim fyrirmælum, sem hér fara á eftir.

17. gr.

Aðalfund hluthafa skal halda í júnímánuði ár hvert, og skal til hans boðað með auglýsingu, er birt sé í Lögbirtingablaði, með ekki minna en 4 vikna fyrirvara, talið frá birtingu fundarboðs. Enn fremur skal birta fundarboðið með ekki minna en viku fyrirvara í útvarpi og dagblöðum og sé þar tekið fram hvenær og hvar skuli afhenda aðgöngumiða og atkvæðamiða til fundar og skal afhendingin fara fram 4 síðustu dagana fyrir fundardag. Aukafundi skal halda eftir ákvörðun hluthafafunda eða bankaráðs, enda skal boða þá með sama hætti sem aðalfund, en viku fyrirvari er þó nægur, ef bankaráð telur þörf fundarhalds svo skjótlega. Bankaráðið boðar til funda og undirbýr þá, ásamt bankastjóra, að öðru leyti. Hluthafafundir skulu haldnir í Reykjavík.

18. gr.

Á aðalfundi fylgir 1 atkvæði hverjum 500 krónum í hlutafé. Að því er hlutabréf ríkissjóðs snertir gilda engar takmarkanir um atkvæðisrétt, en um aðra hluthafa fer eftir gildandi lögum.

19. gr.

Í fundarboði skal greina dagskrá fundarins, og má þar greiða atkvæði um þau mál ein, sem fundarboð greinir, og breytingartillögur við þau. — Tillögur frá hluthöfum er bankaráðinu skylt að taka á dagskrá á hluthafafundi þeim, sem boðað er til í Lögbirtingablaðinu næst á eftir að þær bást bankaráðinu í hendur, enda séu þær bornar fram skriflega af hluthöfum eða umboðsmönnum hluthafa af 100000.00 króna hlutafjárins eða þaðan af meira.

20. gr.

Á hluthafafundum ræður afl atkvæða, nema öðruvísi sé mælt í lögum þessum. Ef tillaga fær jafnmörg atkvæði með sér og mót, telst hún fallin. Ef tveir menn eða fleiri fá jafnmörg atkvæði, þegar kjósa skal mann til starfa fyrir Iðnaðarbankann, skal hlutkesti ráða.

21. gr.

Hluthafafundur kys fundarstjóra, en hann tilnefnir fundarritara með samþykki fundarins. Fundarstjóri stýrir fundi og sker úr öllum atriðum, er fundarhald varða. Þá er fundargerðir hafa verið lesnar upp og samþykktar, skal fundarstjóri og formaður bankaráðs, ásamt ritara, undirrita þær.

65

6. n.óv.

Á dagskrá aðalfundar skal taka þessi mál og þeim ljúka þar:

1. Skýrsla bankaráðs um starfsemi Iðnaðarbankans síðastliðið starfsár.
2. Endurskoðaða reikninga hans fyrir síðastliðið reikningsár.
3. Tillögu um kvittun til bankastjóra fyrir reikningsskil.
4. Kosning bankaráðs, sbr. 25. gr.
5. Kosning endurskoðenda.
6. Ákvörðun um þóknun til bankaráðs og endurskoðenda.
7. Önnur mál.

23. gr.

Stofnfundur setur reglugerð, sem ráðherra staðfestir, um nánari stjórn bankans og starfrækslu hans. Breytingar á reglugerðinni má ekki gera nema á aðalfundi, enda staðfesti ráðherra þær.

24. gr.

Hver hluthafi, sem ætlar að neyta atkvæðisréttar síns á hluthafafundi, verður, í síðasta lagi daginn fyrir fundinn að gera grein fyrir atkvæðisrétti sínum á þeim stað, er fulltrúaráð hefur tilgreint í fundarboðinu, og fær hann þar aðgöngumiða að fundinum. Skal tilgreint á aðgöngumiðanum hve mörg atkvæði hann hafi. Heimilt er hluthafa að gefa öðrum umboð til þess að mæta á fundinum fyrir sína hönd, og fara þar með atkvæði sin. Aðrar heimildir til þess að vera fyrir hönd einhvers hluthafa á hluthafafundi, verður að sanna, er aðgöngumiða að fundinum er vitjað.

B. Bankaráðið.

25. gr.

Aðalfundur hluthafa kýs ár hvert með hlutfallskosningu 5 menn í stjórn hlutfélagsins, sem í samþykktum þessum nefnist bankaráð, og jafnmarga til vara. Skulu bankaráðsmenn vera búsettir í Reykjavík eða svo nálægt Reykjavík, að þeim sé auðvelt að sækja fundi bankaráðsins hvenær sem er. Bankaráðsmenn skulu vera lögráða menn, fjár síns ráðandi og með óflekkað mannorð, en ekki þurfa þeir að vera hluthafar.

Bankaráðsmenn mega ekki samtímis eiga sæti í stjórn annarra lána- eða bankastofnana, né vera starfsmenn þeirra.

26. gr.

Bankaráðið kýs sér formann og varaformann úr sínum hópi. Varaformaður gegnir störfum formanns í forföllum hans. — Formaður kallar saman fundi bankaráðs og stýrir þeim. Reglulega fundi skal halda eigi sjaldnar en tvisvar í mánuði hverjum. Aukafundi skal halda þegar formaður eða meiri hluti bankaráðs eða bankastjóri telur þess þörf. — Fundi bankaráðs skal halda í Reykjavík. Eru þeir því aðeins lögmætir að mættir séu 5 fulltrúar á fundi, aðalmenn eða varamenn þeirra. Afl atkvæða ræður úrslitum, nema öðruvísi sé fyrir mælt í samþykktum þessum eða öðrum lögmætum fyrirætlum. Séu atkvæði jöfn ræður atkvæði formanns.

27. gr.

Bankaráð hefur æðstu forstöðu Iðnaðarbankans, nema þar sem öðruvísi er ákveðið í samþykktum þessum. Því ber þess vegna:

1. Að ákveða laun bankastjóra (framkvæmdastjóra) og ráðningarkjör hans, setja honum erindisbréf, ráða hann og veita honum lausn.
2. Að koma fram fyrir hönd Iðnaðarbankans fyrir dómstólum, gagnvart stjórnarvöldum og þriðja manni.

3. Að segja fyrir um og hafa eftirlit með starfrækslu bankans, þar á meðal ásamt 65 bankastjóra að ákveða forvöxtu, innlánsvöxtu og útlánsvöxtu bankans. 6. n.óv.
4. Að ákveða, með samþykki bankastjóra, hvar bankinn skuli hafa útibú, hve útibúi hverju skuli fengið mikið fé til umráða, að ráða forstjóra útibúa, ákveða ráðningarkjör þeirra, setja þeim erindisbréf og veita þeim lausn.
5. Að hafa eftirlit með því, að endurskoðendur ræki starfa sinn óaðfinnanlega.
6. Að skipa bókara og féhirði Iðnaðarbankans, og setja þeim starfsreglur, svo og að veita þeim lausn frá starfanum og að ákveða tryggingu þá, er féhirðir skuli setja, allt að fengnum tillögum og samþykki bankastjóra.
7. Að ákveða tölu starfsmanna Iðnaðarbankans og setja reglur um laun þeirra.
8. Að skera úr ágreiningi, er koma kynni upp milli bankastjóra og starfsmanna bankans
9. Að taka ákvarðanir um afskrifun skulda, án gjaldþrotaskipta skuldunauta, að fengnum tillögum bankastjóra.
10. Að setja reglur, að fengnum tillögum bankastjóra, um það hvort og hvernig aðrir starfsmenn bankans megi binda hann ásamt bankastjóra, með undirskrift sinni, svo og að ákveða um það, hverjir starfsmenn bankans skuli geta skuldbundið hann í tilteknum málum með undirskrift sinni.
11. Að ráða fram úr öðrum málum, sem ekki eru til hluthafafunda eða bankastjóra lögð, og þeim málum, sem hluthafafundur eða bankastjóri skjóta til bankaráðs.

28. gr.

Bankaráðsmenn og varamenn þeirra hafa aðgang að öllum bókum Iðnaðarbankans og skjölum.

29. gr.

Allt það, er bankaráðið lætur skriflega frá sér fara, skal undirritað af formanni og einum hinna bankaráðsmannanna. Iðnaðarbankinn ábyrgist allar skuldbindingar, sem bankaráðið undirgengst stöðu sinni samkvæmt, fyrir hans hönd.

C. Bankastjóri.

30. gr.

Framkvæmdastjóri bankans, sem nefnist bankastjóri, hefur á hendi daglega stjórn Iðnaðarbankans samkvæmt reglum þeim, sem honum eru eða verða settar af bankaráðinu, samkvæmt samþykktum þessum. — Hann má ekki hafa á hendi embætti eða sýslan, sem ekki er lögskýlt að gegna, nema með samþykki bankaráðsins, ekki reka sjálfur atvinnu eða vera í stjórn atvinnufyrirtækja. Bankastjóri má ekki vera skuldskeyttur Iðnaðarbankanum eða útibúum hans, hvorki sem aðalskuldunautur eða ábyrgðarmaður. — Bankastjóri ræður alla þá starfsmenn Iðnaðarbankans, sem bankaráðinu er eigi sérstaklega falið að ráða samkvæmt samþykktum bankans, og segir þeim upp. Starfsmenn bankans skulu að jafnaði ráðnir með þriggja mánaða uppsagnarfresti.

31. gr.

Bankaráðið, endurskoðendur, bankastjóri og allir aðrir starfsmenn Iðnaðarbankans, skulu skyldir að gæta fullkominnar þagnarskyldu um allt það, er varðar hagi viðskiptamanna hans og þeir fá vitneskju um vegna starfsemi sinnar í þarfir bankans.

65

6. n.óv.

V. KAFLI

Reikningsskil, endurskoðun, skipting ágóða og varasjóður.

32. gr.

Starfsár Iðnaðarbankans er almanaksárið. Skal ársreikningi lokið fyrir marz-mánaðarlok, og sé hann jafnskjótt sendur endurskoðendum, en yfirlit yfir hag Iðnaðarbankans skal gera mánaðarlega. — Yfirlit skal birta í Lögbirtingablaðinu eftir hverja 6 mánuði.

33. gr.

Aðalfundur hluthafa kýs 2 endurskoðendur, til eins árs í senn. Endurskoðendur skulu vera bókhaldsfróðir menn og leiknir í endurskoðun reikninga. Þeir mega ekki vera í þjónustu Iðnaðarbankans að öðru leyti, enda má jafnt kjósa þá úr flokki hluthafa sem utan hans. Þeir skulu rannsaka allt reikningshald og alla reikninga bankans, enda er þeim jafnan heimill aðgangur að öllum bókum hans og skjölum. Fyrir aprílmánaðarlok skulu endurskoðendur hafa lokið endurskoðun á ársreikningi Iðnaðarbankans, og ber þeim þá þegar að afhenda hann stjórn bankans, ásamt athugasemdum sínum. — Í síðasta lagi 2 vikum fyrir aðalfund skal banka-stjórinn hafa samið svör sín við athugasemdum endurskoðenda og skulu þau liggja hluthöfum til sýnis ásamt ársreikningi.

34. gr.

Áður en ársreikningur sé gerður, skal stjórn Iðnaðarbankans gera sér grein fyrir því eftir föngum, hversu mikið ætla megi, að tapist af skuldum, sem þó þykir ekki ástæða til að afskrifa þá þegar. Skal hún gera tillögur til aðalfundar um það, hversu háa upphæð leggja skuli til hliðar fyrir þessum væntanlegu töpum, og dregst sú upphæð frá tekjuafgangi ársins.

35. gr.

Ágóða samkvæmt ársreikningi, að frádregnu því, sem gengur til afskrifta á eignum Iðnaðarbankans og því, sem lagt er til hliðar fyrir væntanlegum töpum, skal varið sem hér segir:

1. Ef hreinágóði nemur 4% af hlutafé eða minna, rennur hann óskiptur í varasjóð. Þegar varasjóður er orðinn 50% af hlutafé, er þó ekki skylt að leggja í hann meira en 2% af hlutafénu.
2. Hreinágóða (sem ekki er ráðstafað samkv. 1. tölulið) og upp í 10% af hlutafé skal úthluta til hluthafa, í réttu hlutfalli við hlutafjáreign þeirra, enda standi hundraðshluti sá, sem út er hlutað, jafnan á heilum eða hálfum.
3. Hreinágóði, sem verða kynni fram yfir 10% af hlutafé, ráðstafar aðalfundur, að fengnum tillögum bankaráðs.

36. gr.

Ef árságóði hrekkur ekki fyrir töpuðum skuldum eða til afskrifta á öðrum eignum Iðnaðarbankans, skal það sem á vantar, tekið af varasjóði.

VI. KAFLI

Um breytingar á samþykktum félagsins.

37. gr.

Samþykktum félagsins má breyta á löglegum aðalfundi félagsins, þar sem staddir eru hluthafar, er umráð hafa yfir að minnsta kosti $\frac{2}{3}$ atkvæða, og sé breytingin samþykkt með $\frac{2}{3}$ atkvæða að minnsta kosti. Hafi eigi verið á fundinum svo margir hluthafar, en lagabreytingin samþykkt með $\frac{2}{3}$ atkvæða, skal halda fund aftur

innan mánaðar. Skal til hans boðað á venjulegan hátt, og það tekið fram, að til fund- 65
arins sé boðað af því að eigi hafi verið nægilega margir á hinum fyrri. Séu á þeim 6. nóv.
fundi $\frac{2}{3}$ greiddra atkvæða með breytingunni öðlast hún gildi, hvort sem margir eða
fáir hafa sótt fundinn.

VII. KAFLI Um félagsslit.

38. gr.

Nú þykir ráðlegt eða nauðsynlegt að slíta félaginu, og fer þá um tillögur þar að
lútandi sem um lagabreytingar. — Fundur sá, sem samþykkir á lögmatan hátt að
slíta félaginu, kveður og á um, hvernig ráðstafa skuli eignum þess og greiðslu
skulda.

Þannig samþykkt á framhaldsstofnfundi Iðnaðarbanka Íslands h.f., hinn 26.
október 1952.

Í BANKARÁÐI IÐNAÐARBANKA ÍSLANDS H.F.

Páll S. Pálsson. Helgi Bergs. Kr. Jóh. Kristjánsson.
Einar Gíslason. Guðm. H. Guðmundsson.

Framanrituð samþykkt staðfestist sem samþykkt fyrir Iðnaðarbanka Íslands h.f.

Samgöngumálaráðuneytið, 6. nóvember 1952.

Björn Ólafsson.

Páll Pálmason.

REGLUGERÐ fyrir Iðnaðarbanka Íslands h.f.

66
6. nóv.

I. KAFLI

Stofnun bankans og stjórnarfyrikomulag.

1. gr.

Iðnaðarbanki Íslands h.f. er stofnaður með lögum nr. 113 frá 1951. Bankinn er
hlutafélag og er hlutafjárupphæðin ákveðin allt að 6½ milljón króna.

2. gr.

Yfirstjórn bankans er skipuð fimm mönnum og öðrum fimm til vara og nefnist
bankaráð. Bankaráðið er kosið á aðalfundi bankans. Bankaráðið skipar framkvæmda-
stjóra bankans, sem nefnist bankastjóri.

II. KAFLI

Störf bankans.

A. Um ávöxtun fjár.

3. gr.

Bankinn tekur fé til ávöxtunar í hlaupareikning og í innlánsbók.

4. gr.

Sá, er hefja vill hlaupareikningsviðskipti við bankann, skal um það semja við
bankastjóra hans.